

Home-office ed evitar temp da truscha

Recumandaziuns dal Cussegl federal

■ (rtr/fmr) Il Cussegl federal ha infurmà davart ils aspects publics, economics e las mesiras cunter il coronavirus. Sch'ins ha intgins dals suandants sintoms vegn cusseglià da star a chasa: Dificultats da trair flad, tuss u fevra. I vegnia dentant er a dar persunas, oravant tut giuvnas, che mussian be levvs sintoms. Ord solidaritad na duain ins lura betg ir en spital u en la staziun d'urgenza. Enstagl duain ins tschertgar il contact telefonico, cunzunt sch'ils sintoms vegnan menders.

Persunas periclitadas sajan persunas sur 65 onns, ma er persunas pli giuvnas cun ina malsogna preexistentia. Per che quellas persunas vegnian protectadas dovria chapientscha da tuts.

Daniel Koch supplitgescha che be persunas fermamain malsaunas s'annunzian tar las staziuns d'urgenza.

Recumandaziuns per il mund professiunal

Er al plaz da lavur valan las mesiras sco per l'entira populaziun.

Patruns pon pretender in attest dal medi a partir dal 5avel di

Collavuratur èn d'infurmar davart mesiras al plaz da lavur

Patruns duain dar la pussaivladad da lavurar flexibel per evitar ina gronda fulla da glieud en il traffic public

Cussegl federal observa las perditas en l'economia

Il Cussegl federal è conscient ch'il coronavirus ha influenza sin il mintgadi e l'economia. Ins vegnia a decider a curta vista co vinavant, uschia Alain Berset. Ins na possia uss dentant anc betg decider davart ina prolungaziun dal scumond dad arranschaments da massa. Il svilup dal virus stoppia vegnir perseguitar l'epidemia e decidel a moda flexibla.

I vegnan examinadas differentas pussaivladads, uschia er indemnisaziuns per lavur reducida. Er stoppian ins examinar sch'il scumond per arranschaments da massa duai vegnir mantegnì.

Cura e co vegn l'armada a gidar?

L'armada duai gidar cunter il coronavirus. Durant trais emnas sustegnan commembers dal servetsch d'assistenza ils



Il minister da sanadad Alain Berset flancà dal manader da l'Uffizi federal da sanadad e da la presidenta dals directurs chantunals da sanadad Heidi Hanselmann.

KEYSTONE

chantuns. Sin dumonda dal chantun Tessin è il cussegl federal stà d'accord da trametter a quel duas ambulanzas per sustegnair ils ospitals civils. Uschia duai il provediment da cas d'urgenza er esser segirà sch'il dumber d'infeziuns crescha.

La responsabladad per l'engaschi han las autoritads civilas

Quants commembers da l'armada che la Confederaziun vul mobilisar n'ha il Cussegl federal betg tradi. Tenor lescha militarà sto l'Assamblea federala approvà in engaschi dal servetsch d'assistenza sche passa 2000 schuldads vegnan mobilisads u sche l'engaschi cuzza passa trais emnas.

Situaziun globala

Daniel Koch, manader da la partiziun malsognas transmissiblas dal BAG, resumescha la situaziun globala. En China sa calma l'epidemia, en il rest dal mund anc betg. La Svizra saja a l'ur da l'onda epidemica. Solidaritad saja impurtanta per che l'epidemia na vegnia betg memia nau-scha. Per quai dettia recumandaziuns per l'entira populaziun e per las gruppas periclitadas.

Sustegn per las mesiras da la Confederaziun

■ (sda/fmr) Malgrà il dumber crescent dals cas dal coronavirus en Svizra resta la gronda part da la populaziun calma. Era sustegn ella cleramain las mesiras pridas da la Confederaziun. Quai sa resulta d'ina retschertga fatga da l'Institut da retschertga Link ch'è vegnida publicada en il «SonntagsBlick». La retschertga è vegnida fatga dals 3 fin ils 6 da mars tar 1074 persunas da la Svizra tudestga, da la Svizra romanda e dal Tessin. Tenor questa retschertga sa sentan duas terzas da las persunas interrogadas mo pauc periclitadas da virus. 24 pertschient considereschan il virus sco privel mesau, otg pertschient sco privel grond. Questas valurs èn restadas stabilas e n'èn betg sa midadas en cumparegliaziun cun l'emna precedentia.

Mintga quarta persuna è s'exprimida per serrar ils cunfins vers l'Italia. L'Italia è numnadamain sper la China, la Corea dal sid e l'Iran il pajais pertutgà il pli

ferm dal virus. Il Cussegl federal sco er ils ministers da sanadad da l'Europa èn sa cunvegnids ch'i na dettia fin qua en vista a las consequenzas greviantas naginas serradas dals cunfins.

Infurmà sufficientamain

La gronda part dals interrogads ha considerà il management da crisa dal Cussegl federal per bun. 86 pertschient dals interrogads han giuditgà d'esser infurmads sufficientamain davart il virus entras l'Uffizi federal da sanadad.

La populaziun suonda tenor la retschertga per gronda part las recumandaziuns da prevenziun da la Confederaziun. Lavar savens ils mauns tutgian per 93 pertschient latiers, 76 pertschient renunzian da dar il maun e daplì che la mesadad renunzia per il mument a viadis en l'exteriur. Betg bler quintan ils interrogats dentant il schurmetg da la bucca, gnanc 10 pertschient han ponderà da purtar in tal.